

SAMOA

Faatulagaina o Aiaiga

1. Igoa puupuu ma le amataga
2. Faamatalaina o uiga o upu
3. Avea ma sui auai o le Pulega
4. Taitaifono ma le aofaiga o sui auai e mafai ai ona usuia se fonotaga
5. Faoa faamalosia o mea ua faia ma isi mea faapena

2004, Nu. 6

O SE TULAFONO e teuteu ai le Tulafono o Pulega o Taaloga o le 2007 a le Pasefika i Saute 2002.

[21 Ianuari 2004]

UA FAIA e le Fono Aoao Faitulafono a Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o Pulega o Taaloga o le 2007 a le Pasefika i Saute 2004 ma e tatau ona faitauina faatasi ma avea o se vaega o le Tulafono o Pulega o Taaloga o le 2007 a le Pasefika i Saute 2002 (o le Tulafono Autu).

(2) O leni Tulafono o le a amata faamamaluina i le aso e tuuina i ai le maliega a le Ao o le Malo.

2 *Teuteuga o le Tulafono o Pulega o Taaloga* 2004, Nu. 6
o le 2007 a le Pasefika i Saute 2004

(3) O le faasilasilaga o le amata faamamaluina o lenei Tulafono e tatau ona lomia faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

2. Faamatalaina o upu – Ua teuteuina le fuaiupu 2 o le Tulafono Autu:

(1) I le aveesea o le faamatalaga o le “Minisita” ma suia e faapea:

“Minisita” o lona uiga o le Minisita ua tofia e le Palemia e nafa ma le Pulega;”

(2) I le teuteuina o le faamatalaga o “Aiatatau o nusipepa, televise, leitio” i le faaofiina i ai o upu “po o isi nofoaga” ina ua tuanai upu “i totonu o Samoa”.

(3) I le aveesea o le faamatalaga o le “Failautusi”.

3. Avea ma sui auai o le Pulega – Ua aveeseina le fuaiupu 4 o le Tulafono Autu ma suia e faapea:

“4. Avea ma sui auai o le Pulega-(1) O le Pulega e aofia ai tagata ua taua e faapea:

- (a) O le Minisita, o ia lea e tatau ona avea ma Taitaifono;
- (b) O le Minisita o Aoga, Taaloga ma Aganuu, o ia lea e tatau ona avea ma Sui Taitaifono;
- (c) O le Ofisa Sili o Pulega o le Matagaluega o Galuega, Felauaiga ma Atinae Eseese;
- (d) O le Ofisa Sili o Pulega o le Matagaluega o Aoga, Taaloga ma Aganuu;
- (e) O le Peresetene o le Faalapotopotoga o Taaloga a Samoa ma le Komiti Aoao o le Olimipeka (SASNOC);
- (f) O tagata e toalua ua filifilia e le Minisita e avea ma sui o le Faalapotopotoga o Taaloga a Samoa ma le Komiti Aoao o le Olimipeka (SASNOC);
- (g) O le Loia Sili;
- (h) O le Ofisa Sili o Pulega o le Matagaluega o Tupe;

- (i) O tagata e toalua ua filifilia e le Matagaluega e avea ma sui o le Komiti Faatino o le Malae Taalo i Apia ma Nofoga Tau Taaloga;
 - (j) O tagata e toalua ua filifilia e le Minisita e avea ma sui o pisinisi; ma
 - (k) O se tagata e toatasi ua filifilia e le Minisita e avea ma sui o tagata lautele.
- (2) Afai ua le mafai e le Minisita ona taitai se fonotaga a le Pulega, e tatau ona avea le Minisita o Aoga, Taaloga ma Aganuu ma Taitaifono.
- (3) E mafai e le Pulega ona tofia nisi tagata e avea ma sui mai lea taimi i lea taimi e auai ma i ai i ana felafolafoaiga ae le tatau ona i ai i ia tagata se malosiaga e palota ai i so o se mataupu.”

4. Taitaifono ma le aofaiga o sui auai e mafai ai ona usuia se fonotaga – Ua teuteuina le fuaiupu 7 o le Tulafono Autu i le:

- (1) Aveesea o le upu “Taitaifono” i totonu o le faafuaiupu (3) ma suia i upu “Minisita (pe afai o lo o i totonu o Samoa le Minisita) ma e le Minisita o Aoga, Taaloga ma Aganuu (pe afai e lē o i totonu o Samoa le Minisita)”.
- (2) Aveesea o le fuaitau “ono (6)” i le faafuaiupu (4) ma suia i le “fitu (7)”.

5. Faoa faamalosi o mea ua faia ma isi mea faapena – Ua teuteuina le fuaiupu 19(4) o le Tulafono Autu i le aveesea o le fuainumera “15” ma suia i le fuainumera “18”.

O le Tulafono o Teuteuga o le Tulafono o Pulega o Taaloga o le 2007 a le Pasefika i Saute 2004 o lo o faafoeina e le Pulega o Taaloga o le 2007 a le Pasefika i Saute.

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**